

嘉興府志卷十七

嘉興府知府 伊湯安 重輯

冢墓

古墓流聞偃王宏演良多疑似然前記所登未容沒而不書晉唐以降歷年雖遠而遺隴猶存彼夫觀九原者惜蘊良臣禁樵蘇者知崇柳季荀非生有令聞鮮不沒為蓬顆矣爰詳為蒐列用資幽討若夫貞母烈婦表微發潛義有攸在故並著之志冢墓

嘉興縣

周

嘉興府志

卷十七

冢墓

一

徐偃王墓

舊傳在縣西復禮鄉

至元

在府城西北

明一統志

縣西北二十里

嘉興湯志

案浙江通志云韓愈偃王廟碑記偃王走彭城下民鑿石為室以

祀偃王則墓當在彭城又曰王之走不之彭城而之越城之隅棄玉几硯會稽水中今龍游有祠象山有廟而墓在嘉興未知何據又黃巖志云墓在勝果寺後復禮鄉今秀水地姑仍舊志書之

衛大夫宏演墓

在縣西南圖經云衛大夫宏演墓衛懿

公為狄人所滅食其肉唯肝在地演割已腹而納焉

至元

志案志又云衛地今在魏郡黎陽未曉演墓在此何也浙江通志云黃濤賦橋李古蹟以為衛涇叔清之墓因和張堯同詩云衛姓宣和後直臣多水濱前賢何所據詩弔納肝人共辨良允

吳相國伍員墓

在胥山上

柳志

縣東胥山上昔吳宰嚭讒

子胥吳王賜屬鏤之劍自剄王取其屍盛以鴟夷革

浮之江中流至山麓居民憐而葬之因以名山嘉興府志

禾百咏考碑語有石棧自錢塘抵禦兒之胥山凡十一字惜不得其全文其顛相傳即子胥墓明徐春遊胥山詩伍員埋玉地千載閱煙霞草綠藏殘得泉香漱落花海天歸老鶴林木怨啼鴉飛屨凌高頂愁雲入望際

漢

朱買臣墓 在縣東三里至元志縣東三里東塔寺後歲久

湮廢明嘉靖間知縣盧梗為題石碑曰漢朱買臣墓嘉興

湯志 案縣北一十八里有買臣妻墓亦名羞墓宋

劉克莊詩翁子平生最苦貧晚將丹頭博朱輪老儒五十無章綬歸去何妨且負薪元闕名詩貧賤難看俗眼低區區何事便雲泥會稽乞得無他念只為歸來託故妻明方孝孺詩五十年前只荷薪瘦妻渾不耐家貧會稽太守黃金印方信詩書不負人國朝吳偉業詩翁子窮經自不貧會稽連守拜為真是非難免三長史富貴徒誇一婦人小吏張湯看倨傲故交莊助歎

嘉興府志 卷十七 冢墓 二

沈淪行年五十功名晚何似空山長負薪彭孫通詩古寺孤城外當時太守墳疎松傳夕纜高柳挂斜曛石篆披榛出樵歌隔水間千秋重知已誰使致青雲王又會飲朱翁子墓下詩罷浴景初夕火雲殊未退散步水雲鄉負手僧幾輩高松冷作濤風力振其內微涼愜酒坐墓草肯吾貸歸樵編煙唱聞犬過橋吹塔鈴語無時頻勸一尊酌為問墓中人此酒飲可再案秀水范志云劉餗隋唐嘉話東封之歲洛陽平鄉路北市東南得石銘漢丞相長史朱買臣墓又鳳陽府虹縣歸德府夏邑縣俱有買臣墓及考漢書列傳買臣吳人為會稽太守西漢之會稽由拳其屬縣也則墓在嘉興為是又案梁元帝時又有兩朱買臣一武昌太守一宣猛將軍邱墓傳疑或未之攷耳

呂氏榮墓 在由拳郭里墟北名吳義婦塚趙圖記案

妻也事具後漢書列女傳又國朝朱彝尊以半邏南之呂冢謂即呂榮冢則墓當在海鹽然文樞鏡要云糜府君斂錢葬之嘉興南則緣尋之辨似未足據



三國

魯肅墓 在縣東三十六里新豐鄉嘉興湯志

晉

劉伶墓 在縣西北二十七里劉伶晉人也錢氏諱鏐改

呼劉為金俗因呼為金伶墓至元志 宋蘇軾詩嘗笑

忘骸烏鴛奪得與螻蟻誰信先生無此懷 林景熙詩

碧落當年墮酒星醉中萬事一浮萍不知人世無窮事

一醉松根不肯醒 明岳元聲詩鹿車一壺酒荷鍤以

自隨云死即吾埋曠達不可羈如何此墟曲有冢高纍

纍刻右記道旁無乃好事為

齊

長沙王長史施修琳墓 在縣東二十里至元志華亭塘東

嘉興府志

卷十七

冢墓

三

十二里趙圖記 宋張堯同詩蒼苔侵壞道晚 崔散空林莫問人賢否浮生一古今

陳

顧野王墓 即顧節墩在縣東北十里鄒志 明高啟詩

樵蘇道應與讀書堆離離總荒草 案浙江通志云吳

地記顧野王墳在橫山東平陸地橫山又名據湖山在

吳縣西南十六里則鄒

志所載顧墓未知何據

相林墓 在縣東一十里至元志

唐

陸宣公墓 縣東三十六里感化都吳新豐鎮後墓前有

案宣公謫居忠州歿即

橋俗呼陸贄墳橋 葬焉故忠州玉虛觀南有宣公墓初

未聞遷葬故鄉則嘉興之墓縣志以為衣冠識葬理或

然也又吳郡城北有一大冢相傳為宣公墓故其地名

陸墓水名陸塘宋淳熙間有于墓旁得遺刻與所傳合郡人周虎張震發皆紀其事亦恐屬附會

刺史謝希圖墓 范文正公碑陳留謝濤五世祖希圖卒

衢州時唐季喪亂葬江東嘉興郡子孫三世祿于吳越

宋

侍郎閩人鼎墓 在德化鄉朱涇村鼎建之弟以子安道

貴贈刑部侍郎安道弟安遠以子宏貴贈朝散大夫皆

祔葬侍郎兆域 以上嘉興何志 案志又云建孫推官業墓在永樂鄉通判宏墓在隣瑞鄉

參知政事婁機墓 縣南五十里里仁都 嘉興縣東三十

里一冢甚高傳是婁機墓中有石室為盜所發 朱彝尊

歌樓鑰撰神道碑 明一統志

嘉興府志

卷十七

冢墓

四

處士嚴秋蟾墓 宋嚴處士賣藥秀州遂家焉墓在蒯塔

坊 備李詩繫 案縣志云處士先世居汴京南渡時適吳賣藥秀州遂居竹林巷卒葬于此明嘉靖間有孫

居雲南名清者官冢宰居嘉興名從簡者官給諫萬歷初特為建坊表其墓曰慶流滇浙

臨江知州鮑廉墓 廉任臨江恭帝時元兵徇臨江廉成

之葬今嘉興縣東南里十六莊樂善庵前所謂鮑塔是

其故址 新纂

元

學士王昺墓 在王店市東 舊浙江通志

湯提舉墓 在城東南二里春波坊

居士項宏度墓 在胥山上伍王廟右明襄毅公忠八世

祖以上袁志案趙孟頫泉石散人墓表云公諱冠字儀甫別號泉石散人父八一先生諱宏度飄然物外不以功名富貴累其心志每誨公曰當今之世但宜讀書好禮崇尚清雅誓不許仕于是公托貿遷之術跡乎四方歲靡寧居卒以富稱既而深虞不散之戒好義樂善一時江浙間莫不稱頌公長者至元二十年境內饑荒慨然輸粟一萬石以賑又作粥三月全活者無算世祖聞而嘉之授以將仕郎少府監合丞公力辭不拜隱于胥山建胥山草堂以自況日與騷人墨士吟咏歌笑以終歲月卒葬本路之永安鄉南原

經歷吳傑墓 在縣東二十五里傑字景良仕至廣州路

總管府經歷趙孟貫換墓記柳志

州守八札墓 在三塔塘南八札元至順間為嘉興州守

建州學大成殿嘉興何志

處士董性存墓 在勸善鄉新纂

嘉興府志

卷十七

冢墓

明

太常高遜一作志墓 在地字圩奚家橋劉志縣東常豐坊

德化一都嘉興何志案浙江通志朱彝尊高太常齋庵遺稿序云靖難師入吳志走永嘉山中窮

餓以歿同里蔣兢斂而葬之芙蓉峯北野史所載盛庸兵敗自經者誤也則墓自在溫州永嘉縣其在嘉興者

或是衣冠葬處耳

侍郎俞山墓 在縣永豐十四都西成字圩袁志呂原撰墓誌

布政黃懋墓 在府城東北二里北板坊明一統志案

勉直隸元氏人永樂乙未進士正統初知嘉興府陞福建布政司使致仕居嘉興卒因葬焉詳呂原墓誌

知縣盛胥嶺墓 在縣東胥山五鄉胥嶺永樂中以人才

薦知福建順昌縣歿于王事歸葬于此嘉興湯志

處士吳賢忠墓 在縣春波坊虹橋之東賢忠舊居于此

卒葬焉為與國吳國倫六世祖 舊浙江通志 案嘉興湯志云其六世孫居興

國者各國倫居永昌者名崧同登嘉靖庚戌進士文震孟作虹橋吳氏祖墓碑記天啟二年長洲教諭雲南戊午舉人八代孫麟徵立石 明吳國倫感祖墓在嘉興

詩闕下仙班夢未回白頭相望遠登臺馬經芒部山煙過雁帶昆明瘴雨來萬里論心天咫尺百年懷

士日徘徊離離高冢虹橋畔猶是延陵旺氣開

尙書戈瑄祖墓 在縣東感化七都南地字圩 案瑄曾祖惟善永樂

中以事遷河間府景州遂世居焉 葬此者惟善之父瑄之高祖也

御史姚綬墓 在縣東四十五里胥山之陽 楊循吉撰墓誌

處士唐正四墓 在縣東北春波坊蘆池頭 以上嘉興湯志 案處士

之後徙居直隸通州八世孫仲寅萬歷庚辰進士以行人使楚返脩舊墓復侵地立碑紀之詳仲寅所作脩復

嘉興府志 卷十七 冢墓 六

先瑩記仲寅孫嗣美亦舉甲辰進士

文淵閣學士謚文懿呂原賜墓 在縣東南長水都字字

嘉興何志 案嘉興湯志父嗣芳贈侍講學士李賢

圩 撰墓誌子憲楊一清撰墓誌祖孫父子五朝恩眷三世賜葬益異數也 詳李賢神道碑銘

少保俞綱賜墓 在縣東南白苧都五鶴涇 嘉興何志 成化戊

戌卒賜葬于通濟門外承山之陽正德初徙葬於此 劉志

光祿卿陸淞賜墓 在胥山東諭祭葬 吳志 案淞平湖人事具羅欽順所

撰神道碑孫都事光弼曾孫刑部員外基忠俱附葬又淞孫學博光岳葬胥山西麓

吏部尙書謚莊簡陸光祖賜墓 在胥六都東黃圩 新纂

僉事戴祐墓 在縣南大彭十六都露字圩子泰安知州

經祔葬 案志又云同科進士主事戴用葬白苧一陽字
圩 嘉靖己未進士少卿戴鳳翔葬德化都律字

董節婦王氏墓 王名桂芳夫卒自縊歿邑令洪範葬于

鹽倉橋北並撰墓表嘉靖中佃為民居移窆清真觀旁

吳志 在縣東南鹽倉坊小鹽倉橋萬歷間徙置于此

太傅沈思考墓 案吳志未詳葬處

尚書謚簡肅孫植賜墓 在永豐都麒麟壩嘉靖間賜祭

葬 吳時來撰墓誌

布政屠元沐墓 在縣東感化都原字圩 以上嘉興何志

僉事姚俊墓 在德化鄉 新纂俞誥撰墓誌

嘉興府志 卷十七 冢墓 七

尚書吳鵬墓 在縣東白苧十五都二陽字圩 徐階撰墓誌銘

諭德屠應竣墓 在縣東德化三都調字圩橫山塘之原

以上嘉興湯志長沙張治撰墓誌銘

副使包檉芳墓 在縣東德化一都東原字圩 嘉興何志

大理寺卿沈元華墓 在縣東胥六都列字圩子貢生文

瓚茂才文域祔 新纂

光祿寺少卿賀燦然墓 在縣東南白苧十五都二陽字

圩與父贈主事懋賢墓相望懋賢墓在南雲字圩

廉使許應遠墓 在縣東感化六都日字圩

知州高文登墓 在縣東南永豐十二都北日字圩

參政孫光啟墓

在縣東胥山六都北艮字圩

以上嘉興何志黃

承先撰誌銘

贈少保朱儒墓

在長二十都艮二圩之俸祿港

新纂

侍郎徐必達賜墓

在感化都石龍橋諭祭葬

吳默撰誌銘

贈光祿寺卿王允昌賜墓

在新行鎮

以上劉志

贈太僕寺卿譚昌言賜墓

在縣東白苧都一陽字圩

嘉興

何志

明董其昌撰墓誌

國朝譚吉璉駕湖擢歌

市舶風檣五兩飄桑東太僕墓非遙黃腸華表千年石長映雙溪

百尺橋

按察使陳于王墓

在胥五都

新纂

大學士錢士升墓

士升嘉善人墓在胥五都西稱圩龍

嘉興府志

卷十七

冢墓

嘉興楊志

工部郎中高道素墓

在縣東白苧十五都崑字圩子工

部主事承埏耐葬

新纂

國朝朱彝尊撰墓表畧云

奉直大夫協正庶尹工部虞衡清吏司主事高公之葬歲久舊石崩剝其子佑鉅乞其友朱彝尊復為文揭于墓門之外彝尊以公晚逝于野賦詩有云誰將前進士慘憺表孤墳迺改書額曰前進士

贈兵部郎中魏廷薦墓

在嘉興縣界

嘉善楊志

憲副黃正色墓

在縣感化都秋字圩新豐鎮之北

嘉興湯志

賀燦然撰墓表

布政施爾志墓

在胥四都闕字圩子博墓在其西

長汀令邱民貴墓

在縣東南永豐十四都西城字圩民

貴嘉興貫華亭人子副使履嘉墓在白苧十五都暑字

圩以上嘉興何志 案民貴墓陳懿典 照誌銘履嘉墓趙志孟撰誌銘

巡撫岳和聲墓 在對風橋北古字圩弟通政駿聲墓在

縣西南十三冊新纂

孝子楊時雍墓 在白苧都西宿字圩時雍字晴洲純孝

救親奉旨旌獎推官文德翼立傳

廉使黃承昊墓 在胥山北德化三都號字圩以上嘉興何志

處士許實甫墓 在感六都建亭旌表吳志

贈太僕少卿徐世淳墓 在感化都東王橋袁志

徐隱居墓 在縣東里仁十一都日北字圩嘉興何志 案墓有陳繼

嘉興府志

卷十七

冢墓

九

儒所撰誌銘子柏齡甲申後肥遁 不出守義以終朱彝尊撰志銘

國子監博士李應徵墓 在王店鎮南三里蔣莊

運使李衷純墓 在圓通庵郁家浜

贈尚寶丞

國朝祀忠義祠李士標墓 在李應徵塋右

江西右布政賀萬祚墓 秀水人墓誌載曝書亭集以上新纂

國朝

贈侍郎杜蘅墓 在胥山南吳志 案蘅尚書臻之祖 贈尚書杜喟字聞牧墓

在大彭都 今乙字圩

贈資政大夫李明裔墓 在廿里橋新纂

布政王庭墓 在王店鎮項家灣吳志

通政何元英墓 在德化二都小成字圩嘉興何志

尚書杜臻墓 在縣東馬涇康熙年間

賜祭葬 浙江通志

內閣學士徐嘉炎墓 在新十二都荒字圩袁志

吏部袁定遠墓 在縣南稱字圩吳志

蒼梧道李我郊墓 在王店鎮南移寶塘橋新纂

汝寧同知錢貞墓 在胥四都正字圩開浜

巡撫錢士晉墓 在里九都仁字圩以上嘉善戈志

文學沈進墓 在生字圩盛家橋朱彝尊作誌銘載曝書

嘉興府志 卷十七 冢墓 十

亭集

徵士李良年墓 在縣南馬王塘橋

編修查慎行墓 在縣東南新十二下十九莊羅漢塘南

牛橋慎行海寧人子鳳翔知府克建監生克承舉人克

念並耐

處士周篔墓 在仙橋原朱彝尊作誌銘載曝書亭集

處士盛遠墓 在南湖濱三界堂

雲南迤東道陳作梅墓 在竹林廟

舒城知縣朱振墓 在縣北辰字圩朱彝尊作誌銘載曝

書亭集

贈儒林郎錢汝鼎墓 在新十二中十一圩曹王廟汝鼎

字東原性孝友好讀書尤工書法以孫楷 贈儒林郎

翰林院庶吉士詳載巡撫阮公元墓誌

禮部侍郎錢載墓 在縣南永豐鄉九曲裏有九豐堂以上

新纂

徐節婦墓 葬處無考袁志

吳節婦墓 在胥山六都南暑字圩新纂

秀水縣

漢

嚴忌墓 塚廟記云忌墓在治西北新城鎮世稱嚴夫子

嘉興府志

卷十七

冢墓

十一

墓名勝志 明許恂如詩曾哀時命弔湘纍後代文章重楚辭今日我來尋馬鬣空山無主獨題詩

嚴助墓 在天寧寺毘盧閣後俗名嚴墩名勝志墓有古樹

大數尋枝葉皆西北向天將風雨輒作劍佩聲劉志案至元

志云嚴夫子墓在郡治北報恩禪院法堂後考證云西漢助也報恩院即今天寧寺助忌之子志既誤台忌助為一人遂併葬地亦誤 明章士推詩言尋舊跡來山寺衰草離離識墓門太守樓船何日去將軍碣石到今存文章不共煙霞散劍佩猶隨風雨翻古木千年向西北牛車遺恨未須論 國朝朱彝尊鴛湖權歌天寧佛閣早春開鳥語風鈴次第催怪道回船溼羅襪嚴將軍墓踏青來

宋

司徒沈演之墓 在縣北望吳門外二十里柳志演之為嘉

興令橋李詩繫卒葬此秀水黃志明許恂如沈司徒墓詩

麥飯更誰澆宿土
東風芳草自萋萋

唐

中書朱巨川墓 在上蔡原之舊營北海李紆銘墓

舊浙江通

志唐李紆故中書舍人吳郡朱府君神道碑畧巨川王父舉茂才先子舉孝廉君以文承祖以經傳代深居里巷鮮越戶庭考經義之箋訓撰策書之贊敘每立新評必度常均將欲含堅超長鍼育起疾矣又著睢陽守城論一篇以為義者忠之徒危者節之本苟忘義以自重自歸節而可移固以探二公之心垂萬古之訓使違難者銷聲以結舌苟生者寄愧而終身斯深於春秋而不義者遠矣終于上都勝業里私第

周都官墓

在秀水治西北水中旱不加高潦不加沒今

尚存

嘉禾百咏考

拱辰門外荷花池水中與月波樓相對

秀水

黃志

案許恂如周都官水葬墓詩序云周都官疑唐宋時人佚其名墓對月波樓址在荷花池西水中用古

嘉興府志

卷十七

冢墓

三

水葬法也

五代

御史中丞聞人珪墓

在阜城門外竹橋之西珪汴梁人

同錢祖渡江累建奇勲賜鐵券居錢塘子新周顯德四

年徙嘉興

嘉興湯志

宋

尚書聞人建墓

在澄海門外五里

柳志

以子安壽貴贈工

部尚書初葬德化鄉高豐雀墓村後改葬白苧鄉薛家

兔桃花源

嘉興湯志

案事詳孫沔墓誌

明鮑恂瑞

十二莖誠所罕見自非尚書公平生忠義之氣不與歿俱泯而發場于上則知聞人氏之子孫必有以孝感而

致之矣頌曰芝何為兮此儲祥積孝感兮神孔揚繪厥圖兮耀無極貽後昆兮俾不忘

施府君伯成墓 在思賢鄉地字圩靈顯廟中伯成九歲

為土地凡旱潦疾病有禱必應互見祠祀墓有靈丹樹取葉

煎服可治百病秀水黃志

推官閻人璪墓 在縣西永樂鄉朱岡村之原璪建之孫

也年九十卒于秀州之郊居時紹興辛亥也嘉興湯志

知州趙叔近墓 在真如寺叔近榮良公克類子建炎中

以龍圖閣待制知秀州王淵誣殺之殯于寺中秀水任志

宣義郎陶士達教授陶大甄墓 在縣北思賢鄉柳澤之

西二里嘉興湯志案士達字仲和遇恩積封至宣義郎二子大章擢進士科監行在車輅院門大甄

嘉興府志 卷十七

家墓 十三

字成之嘉定辛未進士安慶府學教授皆詳漫塘劉宰墓誌

校尉朱張恂墓 在間家湖宋武節將軍朱張宣扈蹕南

遷遂家焉其元孫恂隨駕厓山殉國子穹壽痛父不返

奉父衣冠葬之趙圖穹壽卒亦耐葬新纂

元

同知李復墓 在縣南三里復為嘉興路同知卒葬于此

柳志

處士郭士元墓 在永樂鄉士元字元之力學通尚書教

授奉母自號溪南處士只瓊撰墓誌載雲間集

徐宜人墓 在復禮鄉案國朝章鳴翼徐宜人古墳記乾隆四年三月傳聞發掘古墓爭

取寶玩有元宜人徐氏曠志其文三百餘字不署作者姓名如今券磚之式但云宜人徐氏諱妙慧嘉興路海鹽州判諱挺之之弟一女提舉司提舉張霆發之妻也徐生于至大元年沒于至正六年年三十九歲聰穎早世等語至正十年瘞骨于嘉興縣復禮鄉生一子名應奎四女各有名據此則營曠至今三百九十年矣

明

迪功郎聞人昇墓 在象賢鄉先塋之次郡人施奎撰誌

銘以上新纂

孝子陳昇墓 在主城雙橋吳志

尙書謚襄毅項忠賜墓 在澄海門外五里鄉志象賢鄉諭

祭葬秀水黃志李東陽撰神道碑案嘉興湯志忠

會孫錦衣衛指揮僉事九十三翁項元津附右葉向高撰誌銘明沈邁詩名臣竹帛重千秋故國祠荒斷碣畱襄鄧恩深猶說項平涼功著克安劉圖殘四壁

嘉興府志 卷十七

冢墓

古

侵蝌蚪氣壯山河映斗牛石獸苔斑餘舊賜英風謾謾起松楸

侍郎姚宏謨墓 在白苧十五都馬當涇贈禮部尙書諭

祭葬嘉興湯志

東昌知府盛周墓 在縣北三十餘里南露圩姚宏謨撰

墓誌墓西爲周父贈承德郎嵩墓又西爲周曾孫中書

舍人士元墓士元孫桂陽知縣民譽墓亦附焉盛氏家乘

副使項夢原墓 在襄毅公墓旁秀水任志

尙書謚清惠丁賓賜墓 在政收字圩萬歷間諭祭葬袁志

明計敬詩長別歸何處春陰此獨尋六朝名世業三問老臣心入廟威儀在瞻碑涕淚深暮風號石獸松柏

更森森

侍郎岳元聲賜墓 在穆河溪贈尚書諭祭葬嘉興何志

高士周履靖墓 在縣西學繡塘履靖樂隱不仕董其昌

題曰明海內高士周履靖墓碑新纂

大學士謚文恪朱國祚賜墓 在百花莊村賜祭葬嘉興何志

在思賢鄉里二都中十五冊新纂 國朝朱彝尊鴛湖櫂歌百花莊口水泐泐

中是吾家太傅墳當暑黃鵬鳴灌木經冬紅日映斜暉

學士黃洪憲墓 在思二都藏字圩申時行撰誌銘王錫爵撰神道碑 新纂

贈大中大夫盛惟謙墓 惟謙萬年父祀鄉賢墓在閩家

河朱張氏墓東盛氏家乘

按察使盛萬年墓 在西門外三塔塘南北黃字圩新纂

嘉興府志 卷十七 冢墓 十五

宮詹陳懿典墓 在圓珠灘秀水李志 子泰寧耐葬吳志

墨林居士項元汴墓 在陡門橋南寒字圩有黃承元墓

表董其昌神道碑新纂

侍郎朱太啟賜墓 在縣西北范灘秀水任志 治西十八里錢

家浜秀水任志 案大啟歿後贈尚書子祭葬見張有譽墓志在永十三都騰字圩之范灘

尚書姚思仁墓 在縣西永一都東荒字圩墓前有祠尚

書杜臻記新纂

五經進士譚貞良墓 在二生圩吳志

諸生沈起墓 在穆溪東禪寺東南隅曾王孫題其墓曰

墨庵沈公之塔并為作誌新纂

烈婦楊氏墓 丁鳳鳴妻端平巷人 嘉興何志墓在杉青閘 秀水

范志明陳繼儒弔丁烈婦詩撮土雖新骨尚香行吟到此盡霑裳劍花血濺千年碧墓草陰厠六月霜正氣書能驅魍魎清魂春不化鴛鴦道旁古冢纍纍者誰采溪蘋薦一鷓

國朝

檢討朱彝尊墓 在百花莊朱文恪公賜塋之西南陳延

敬撰墓誌 浙江通志

修撰沈廷文墓 在主城 吳志

贈中憲大夫屠有禧墓 在縣北南秋字圩 案有禧貴州按察使屠嘉

正之祖

孝子魏允柟墓 在秀水界 以上新纂

嘉興府志 卷十七 冢墓 六

安吉州學正盛楓墓 在閭家湖朱張氏墓西楓康熙辛

酉舉人 盛氏家乘

嘉興知府何鼎墓 在三塔灣茶禪寺後河南巡撫諡恭

惠何焯之祖 案錢陳羣有一捨田記再捨田記皆何氏施以供僧兼資護墓者載香樹齋文集

孝子鄒世麒墓 在思二區二陽字圩乾隆間

敕旌建坊墓側有祖香居以祀孝子秀水高標記

太常少卿陸紹琦墓 在縣西北官蕩鉗稱字圩

孝子沈敷懋墓 在白龍涇侍郎沈德潛撰墓表

徵士張庚墓 在學繡村後張橋西子明經時敏附

刑部侍郎錢汝誠墓 在縣東北一霜字圩棲真寺北

吳烈婦墓 嘉興副將寔誠妾誠臨歿囑其妻更嫁之吳

不從自縊歿葬杉青閘丁烈婦墓左侍郎錢載立碑表

之以上新纂

嘉善縣

漢趙王墓 在南宿字圩吳志

周丞相墓 在秋字圩吳志永北南區秋字圩

董將軍墓 與周墓東西相峙以上嘉善楊志

柴丞相墓 在南都中字圩

顏將軍墓 在奉九南都三荒字圩以上吳志

鮑尚書墓 在廣濟倉南吳志遷中廣濟倉基南

嘉興府志

卷十七

冢墓

十七

郁刺史墓 在香花坊元至順間墓道在北亭坊北郁街

中墓旁建郁孝子祠崇祀貞孝公裔孫大理寺丞之章

重修舊有碑識

陸省元墓 在遷北鄔家村章邑侯有碑

蔡指揮彭安人墓 在縣治後垣以上嘉善楊志

國朝嘉慶四年知縣萬相賓立石表之新纂

案以上吳志嘉善楊志所載十一墓時代無徵名號亦湮幸其邱壠尚存修志者尤當亟為書之也吳志序次在宋墓前茲仍其舊以俟後日之考証焉

宋

餘杭主簿婁億墓 在胥山五都今名婁墳樵李億參知詩繫

政事機會祖也

劉志 宋陳舜俞詩彼何人之門兮雁

鍾兮不差毫銖庖有梁肉兮腹無圖書天之生此兮何

罪何辜句讀其話言兮節文其步趨抱筆而宵吟兮鋪

楮而晝塗天子招其以仕兮鄉人勉呼衆肩相煦摩兮

疾駕爭驅有司五上吾名兮吏部曾不一如退將羸其

角兮進且跋其胡行年幾六十兮僅免爲白徒一秩不

能勝兮朝強而暮殂考妣其謂我何兮遑悼妻與孥高

者我難諷兮厚者彼難語

諸百恨寂默兮秋草之墟

通判聞人宏墓 在遷南都奠亭山 劉志

陳氏墓 陳舜俞墓在烏程今奉九南區荒墩庵有程氏

墓蓋其子孫葬處也後人因立舜俞祠祀之 嘉善楊志

乾詩涇上何人跨白牛鷺飛鷗浴共優游春風短調梅

花笛夜月高酣瓠子甌一疏青苗天下計千年白簡史

嘉興府志 卷十七 冢墓 六

節度使呂伯四墓 在永七區荒字圩今預備倉後墓草

止一種俗呼爲一草墓 嘉善章志

保義郎陶文幹墓 在妙員山陶莊市後近有盜發得志

石云宋淳熙十四年新監鎮江府榷貨務都茶場門陶

達自爲志葬其父文幹於此 鄒志 達承直郎監鎮江場務

趙圖記

揚州正將趙勳夫墓 在永七都保義郎趙崇璽銘孫若

誦 嘉善倪志 勳夫宋宗室三塚相連元末經盜發乃勳夫

弟行夫墓也俗呼分水墩永八南區宿字圩及華亭塘

北猶有數處俱名趙王墳 嘉善楊志

迪功郎陸瑀墓 在奉四中區瑀唐宣公之後嘉熙丁酉

葬嘉善子鄉進士端仁墓在水字圩孫三司計正墓在倪志

大日字圩與瑀墓鼎足相望俗呼三角墳嘉善
楊志

陳坎正墓 在永八北區坎正忠肅瓘之孫其子鑄為魏

塘務副使遂占籍焉鑄歿亦耐葬於此嘉善
倪志

元

義士吳森墓 在靈塔涇之北嘉善吳興趙孟頫銘永康

胡長孺表義烏黃潛撰碑孫相幹瓘別葬西林庵側嘉善

楊志趙孟頫撰墓銘畧君諱森字君茂其先汝南人父澤宋承信郎樂武塘風土饒衍因定居焉至元辛巳征東省右丞范文虎舉為管軍千戶隸高郵萬戶府移屯揚州告閒得請性雅素好禮尚義無聲色之娛唯嗜

嘉興府志

卷十七

冢墓

十九

古名畫購之千金不惜延師教子捐腴田二頃建義塾以教鄉里子弟前後甃衢路數千百丈累橋鑿井歿施棺病施藥凡周急之事不間親疎樂與無倦人以厚德稱之名聞于朝表其門曰義士

黃玠墓 玠字伯成金華人移家魏塘後卜築吳興弁山

號弁山小隱仍歸魏塘卒葬陸浜橋李
詩繫

隱士吳鎮墓 在縣治東二百五十步柳花園街之右有

椽林今廢橋李鎮自題石曰梅花和尚之塔後吳令道

昌修其墓築僧舍於旁以司香火董其昌榜曰梅花庵

袁志元黃魯德詩老子平生學薊邱晚年筆法似湖州畫圖自寫梅花號荒艸空存土一杯明張寧詩荒山亭館客遊稀瀑布無聲野鳥飛愁絕梅花庵外路年來風景故應非曾將心事托寒酸種得梅花徧草庵騎鶴歸來賦郭是西風殘月滿江南沈周詩梅花空有塔千載莫欺人草證詈光妙山遺北苑真短碑深刻字

古橡未回春欲弔誰為伴秋塘老白蘋 沈師昌悼梅
詩勝國名流四大家迂癡樵客及梅花黃金不惜收殘
墨白社何曾護半脚東築層臺北築亭紅塵還隕少微
星題詩欲寄飛鳥客好傍梅庵再勒銘 國朝按察
使秦公瀛梅花道人墓詩繫艇胥塘拜墓門道人遺蹟
斷碑昏秋深椽樹煙中寺春落梅花雪後村一盞獨尋
衰草路六陵曾醉杜鵑魂塚中
欲喚先生起重寫瀟湘帝子痕

吳府君墓 在縣西二里許事詳王文獻公碑文 鄒志

教授顧深墓 在奉四中區古賢里人呼顧淵白墳淵白

深字也 劉志

孝廉費朝憲墓 在奉賢鄉西冬字圩 吳志

盛懋墓 在嘉善城外東北里許 橋李詩繫 明蔣壇詩 墨跡相傳取次看滿堂

風雨不勝寒那堪荒冢徘徊處踏破白雲紅日殘

嘉興府志 卷十七 冢墓 二十

凌貞女墓 在北亭坊 嘉善志 元至正間有凌氏女名勝一

娘許嫁陸氏子未行夫歿結廬清修守節歿葬廬旁後

有陸茂芝者感其義為建蘭若祠之 嘉善志

明

郁秀一墓 在北門外牛橋東秀一字子英洪武中杭嘉

機戶累民秀一叩聞言事為罷織造 劉志

陶神童墓 在陶莊鎮西 嘉善志 案橋李詩繫陶振

於楊廉夫天才超逸少有神童之目明洪武間薦授吳江訓導改安化教諭歸隱九峯後久於虎王達善輓詩云昔為海上釣鼈客今作山中飼虎人朱彝尊曝書亭集謂振吳江人吳江與陶莊相去十里而近是墓即振無疑楊志謂陶氏殤子未必然也

審理孟觀墓 亞聖五十四代孫墓在麟七區洪字圩新纂

徵士孫奎墓 在大張圩堰兜吳志

僉事薛宗永墓 在城東黃庵巷北通衢左其妻節婦沈

氏合葬邑令于業立石表之嘉善章志

博士胡源海墓 在縣東二里源海為欽天監博士卒於

京賜棺給衣令馳驛回葬此鄒志明孫詢詩讀書讀

專象板幾隨仙仗立玉階常受聖恩宜能窮邵子先天
理不用君平賣卜錢武水源頭遺恨在荒墳三尺草芊芊

太守劉侃經歷張彥倫隱士袁祥墓 宣德初築城凡民

間冢悉令遷出唯畱侃彥倫祥三墓劉墓在梅花里半

嘉興府志 卷十七 冢墓 三

里張墓在學宮土山之右袁墓在東亭橋北西菖蒲涇

後移葬姑蘇白楊山劉志

高士周鼎墓 永安鄉魏塘三高士墓之一吳志子孫微弱

鄉人張紀封植之嘉善楊志

巡撫陸邨墓 在遷東區北成字圩

周寅墓 在遷東區北翠字圩以上嘉善楊志

博士孫峯百歲翁孫嵐墓 在一荒圩馬涇浜吳志

右都御史沈思孝墓 在四十二浜鄒元標撰誌

參議沈謚墓 在熟字圩沈氏家乘

百戶賴恩墓 在北南區往字圩恩禦倭戰歿葬此新纂

進士周澤墓 在永七區暑字圩

貞孝郁本宗墓 在暑字圩吳志子調元祔

贈尚書丁衮墓 在永八北區沈田圩以上嘉善楊志

贈給事中魏邦直墓 在遷北區東二歲圩高攀龍墓表公初名德成

學者稱為繼川先生

贈尚寶卿袁黃墓 在胥五區大西收字圩以上新纂

副使贈副都御史黃錄墓 在下保西區體字圩以孫承

元貴贈都察院副都御史嘉善楊志

御史盛唐墓 在九南區日字圩葉繼美誌其墓新纂

贈禮部侍郎曹穗墓 在遷中區嘉善楊志

嘉興府志 卷十七 冢墓 三

御史魏廷相墓 在遷北區東二歲圩新纂

翰林院孔目支立墓 在奉四南區宙字圩嘉善楊志

禮部侍郎曹勳賜墓 在楓溪東吳志

推官支大綸主事支如玉墓 在胥五區嘉善楊志

刑部郎中曹懋官墓 在九南都露字圩新纂

都御史錢繼登墓 在奉九南區辰字圩自題其墓曰大

自在處嘉善楊志

中書陳龍正墓 在閭字圩吳志

太常李奇珍墓 在保東區左字圩

汝寧知府李奇玉墓 在八中區大結圩以上新纂

贈太常卿吏科給事中謚忠節魏大中賜墓 在胥五區

雲字圩孝子學泚幼子學洙俱耐葬袁志崇禎初敕諭祭

葬嘉善楊志

光祿寺卿周宗文墓 在四中區東冬圩新纂

贈副使孫應文墓 在胥五區大雲寺東

推官柯元芳墓 在胥五區南調字圩以上嘉善楊志

庶吉士魏學濂墓 在遷北區東二歲圩新纂

解元陳山毓墓 在下係西區體字圩

舉人張介墓 在奉九南區騰字圩介謫戍關東赦歸而

卒

嘉興府志 卷十七 冢墓 三

文學毛士龍墓 在遷中區晚字圩

烈婦周阿香墓 在遷中區鉗把圩康熙十四年重修立

碑記以上嘉善楊志

國朝

贈資政大夫錢煥墓 在胥五區東雲圩

吏部侍郎曹鑑倫墓 在遷八區大凋圩以上吳志

贈福建按察使錢楞墓 在八南區南原圩

禮部尚書謚恭恪錢以塏墓 在胥五區東雲圩以上嘉善戈志

孟孝子墓 名春和墓在亞聖祠右

長山知縣孫衍墓 在八南區小張字圩許宗伯汝霖題

曰古遺愛馬學使豫題曰風留社祭以上吳志

太僕顧際明墓 在保東區大陶圩

贈光祿大夫錢繼科墓 在胥五區西呂圩雲東

工部郎中蔣茂墓 在四中區西冬圩

雲南按察使毛尙忠墓 在遷西區千步圩

通政使參議柯聳墓 在保東區草字圩孫進士宜都知

縣煜遷葬南區錢陳羣誌其墓

侍講學士曹爾堪墓 在遷中區北翠圩

大名知府顧耿臣墓 在四中區結字圩

侍讀學士沈辰垣墓 在四北區稱字圩

嘉興府志

卷十七

冢墓

三

教諭孫光祖舉人孫在鎬墓 在胥五區西律圩

通山知縣龔在升墓 在四中區結字圩

舉人魏坤墓 在遷八區東二歲圩

孝義毛正學墓 在遷西區易徐圩

給事中張王典墓 在永七區南水圩

滄州同知夏尙文舉人夏縉墓 在保西區體字圩以上嘉善

戈志

孝廉魏允枚墓 在縣東遷北區東早字圩葉燮撰誌銘

新纂

石門知縣許湄墓 在遷東區北列字圩

文學夏默舉人夏慥墓 在八中區致字圩

孝子孫肇薰墓 在九南區三荒圩有司表其墓

孫貞女墓 舉人孫衍女在九南區天字圩 以上嘉善戈志

兵部員外孫榮墓 在永七區寒字圩子綿州知州雯鏡

附

御史周宸藻墓 在遷南區大歡圩

學士許王猷墓 在遷東區成北圩

給事中楊爾德墓 在四南區來字圩

山西布政使朱一蜚墓 在胥五區東北雲圩

編修章愷墓 在天字圩東塘橋壩

嘉興府志

卷十七

冢墓

三五

編修周灃墓 在胥五區

侍郎謝墉墓 在四中區藏字圩荻家灣祖塋之旁

封中憲大夫錢家暨墓 在四中區張字圩

修撰蔡以臺墓 在四南區宙北圩

戶部員外郎曹焜墓 在麟七區北宙圩

江南糧道錢金殿墓 在四中區暑字圩

江南鹽巡道金汝珪墓 在永七區寒字圩

徵士曹廷棟墓 在永七區北宙圩 以上新纂

海鹽縣

三國

孱陵侯呂蒙冢 在縣南三十里 海鹽圖經 吳孱陵侯呂蒙葬

此 海鹽仇志 國朝董尹志詩千古莓苔映夕暉荒

泉室燈明東海月 梵林鐘動硤川機 功名彈指成黃土

惟有空林鳥雀歸 譚吉璵權歌孱陵守冢幾村圍 搖

櫓依稀是白衣 祠外青泥春雨後 年年只有燕雙歸

按察使秦公瀛詩 東吳人物幾英雄 青草原頭弔呂蒙

野火燒殘荒冢在 馬嘒城上又東風 案呂肅高長沙

府志 呂蒙冢在蒲圻縣盛宏之荆州記 冢有一鬪醜極

大蒙形既長偉知是蒙鬪醜也 則孱陵應不葬此朱翰

林彝尊謂當是漢許昇妻呂榮之冢 以相近之義 婦坂

為証 榮吳人事見後漢書列女傳 似為可信 然府志於

嘉興云 呂榮冢在由拳郭里墟北 又云 義婦坂在秀水

縣則朱之辨 究亦未足深據 又胡氏圖經云 呂蒙永樂

宏治志 皆作李蒙 以為安知非元總管李衍 近人李玉

如援引文樞鏡 要定以此冢為即義婦坂 馬仲甫則云

呂蒙祠南二里許 俗名里堰橋 橋下有石榔 長二丈廣

七尺 規制甚古 所謂義婦冢 意當 在此 衆說紛綸 存之以俟博考

嘉興府志 卷十七 冢墓 三

雙梓墓 吳陸東美夫婦同穴事詳古蹟 國朝李玉如

載風流傳古墓生前長作比肩人 歿後化為雙梓樹 吁

嗟乎我生飄蕩隨風蓬 弧矢志欲矜豪雄 行子經年復

經歲 居人愁水又愁風 何如綠牕呢呢相爾汝 不省寒

風與陰雨 離恨天荒苦海平 遙望銀河笑牛女 客中感

此重襄徇聯翩 蛺蝶雙飛來

都尉于瑩墓 縣西南四十里 瑩字明叔 寶之父 仕吳為

立節都尉 海鹽徐志 案浙江通志引明浙江通志 吳

晉

何皇后冢 烏夜邨 晉穆后葬此 舊志近陵有喪靈浦后

歸葬開浦 通舟今塞 海鹽仇志 明朱朴詩 玉貌曾沾

寢無尋處 夜月啼鳥 尚有邨 案浙江通志 后耐葬穆

帝永平陵 則邑中所傳 何后陵 或即何準父子冢 而沿

訛失實也

天子女兒墓 在縣西南三十五里六里山村人侵犯之

卽有毒蟲出焉 案劉志云晉恭帝女封海鹽公主疑葬此 案宋少帝司馬皇后晉恭帝女也

初封海鹽公主見南史后妃傳趙倫之子伯符伯符子倩尚文帝第四女海鹽公主見趙倫之傳張希尚簡文帝第九女海鹽公主見張宏策傳當晉宋六朝時公主爵土多屬虛封歿後未必葬此 況封海鹽公主者不止一人劉志以為疑甚屬有見吳

志鑿指為晉恭帝女似太固矣

九母冢 未詳時代 在縣西十八里豐山石屋之東南昔

有村人發之蜂蠆虺不可嚮邇 以上至元志

驃騎將軍蘇舉墓 海鹽圖經云名舉字子羽晉時人驃

騎將軍封烏程侯葬金牛山北宋高祖夢其神因贈平

嘉興府志

卷十七

冢墓

七

南大將軍明帝加贈使持節都督征北大將軍墓今無

考 續澈水志 別詳祠祀

宋

臨海太守沈景墓 沈景宋人也 至元志 墓在沈山縣西南

六十里 海鹽徐志 案宋武原志劉宋臨海南陽二郡太守沈景葬此因名沈山即硤石鎮東山杭州

志云上有審食其墓故名審山蓋相傳之誤潘廷璋硤川圖志引沈藩詩云五馬舊香臨海骨千秋合署沈家林足以證矣

唐

隱君劉源墓 在縣南三里唐開成元年葬此 構李詩繫唐故彭

城府君墓誌銘君諱源字文宗先帝王之苗裔也遠祖商漢中書侍郎祖一唐林泉不仕父典邱園放居君其

孟子也周秦之世晉宋以來徙從吳郡海鹽勝邑樹德樹名不仕朝廷隱居邱壑嗚呼以開成元年十一月二十五日卒於私第乃以其年十二月庚寅朔十五日甲辰葬于海鹽縣南三里地號烏夜鄉名海鹽其塋也長松靄日青嶂連天其所也東流滄海西接甘泉南枕泰山之隅北底武原之地君壽逾七十有二娶河內司徒氏生三子少悻少通少平其子立也雖未聞闔之徒有抱皋魚之孝日月逝矣歲不我畱勒石志之用存今古其詞曰野霧蒼蒼寒郊茫茫猗與芳馨俄遭夜霜潘圖撰

杜府君墓 太和元年杜府君墓誌云葬甘泉鄉烏夜原

海鹽圖經 案杜府君未詳其名太和唐文宗年號又圖經併載貞元陸府君會昌陳府君墓誌今析屬平湖

五代

靜海鎮遏使朱行先墓 縣南十五里 海鹽圖經 澈墅村之原

今無考 續澈水志 謝鄂撰誌銘畧云義忠軍佐正匡國功臣故節度左押衙親衛第三都指揮使靖

嘉興府志

卷十七

冢墓

天

海鎮遏使銀青光祿大夫檢校尚書右僕射御史上柱國朱府君墓誌銘府君諱行先字蘊之吳郡人也曾祖憑皇不仕祖真皇不仕父敬瑞皇不仕妣陳畱阮氏太夫人揚名立身光于宗祖者惟府君耳府君少親戎律長習武經有推鋒破敵之堅蘊藏難濟時之策所任征討累有功績以是聞於聖聽疊被寵嘉累陞八座盜爲雪守所重府君之屯細柳也鉏耨荆棘版築城壘不日而就其業親載耒耜備植桑麻以備祗奉使臣供承賈不改其業親載耒耜備植桑麻以備祗奉使臣供承南北十五年內外無間言以寶大元年夏四月得疾弗與至秋七月二十三日終于靜海鎮之官舍享年七十有二府君娶汝南周氏隴西彭氏清河張氏三夫人

湖州刺史贈右僕射屠環智墓 澈州德政鄉 吳志 吳

軍匡國功臣越州都指揮使前授常州刺史特贈武康節度使銀青光祿大夫檢校尚書右僕射開府儀同三司上柱國海鹽屠將軍墓誌銘將軍姓屠氏諱環智字寶光其先河東人晉將軍屠擊之後也大父某避地于吳家于澈川之青山遂世爲蘇州海鹽人太夫人吳郡顧氏夢抱璧有光生將軍遂以環智名焉將軍生而姿

貌偉杰鷹揚虎視負勇畧更善屬文累舉不第歷遊名山見疆宇幅裂復還故鄉吳越國王初起鄉兵拒黃巢將軍從之時時以籌畫進遂與幕府謀議董昌僭號將軍首勸討賊昌誅以功授指揮使乾寧四年丁巳同顧全武王弟鎮自海道救嘉禾生擒賊驍將楊勝頓金等二十餘人計功將軍得中上遙領常州刺史職明年春再遷越州指揮使光化元年十一月衢州刺史陳岌叛將軍又同全武等討平之三年調守湖州授制與同郡高公彥天復二年壬戌武勇都指揮使徐縮許再思叛于府城將及內城刺史高公聞之遣子渭與將軍同赴難渭曰今日不利彥曰赴急難何以吉辰為將軍按劍日違主之命不忠畏縮不前無勇成忠成勇丈夫分也偕渭直抵靈隱山賊壘賊勢甚盛合圍數重二人自朝戰至于日哺身創百處奮力一呼力搏賊魁數人即馬上手刃之矢盡援絕為賊伏兵所害王念將軍徒步從戎卒死國難以衣冠歸葬于開元府海鹽縣南三十六里澉川之青山德政鄉歸仁里德化村今天寶五年特贈忠義軍匡國功臣武康節度使銀青光祿大夫檢校尚書右僕射開府儀同三司上柱國將軍生于唐宣宗大中五年辛未死事于昭宗天復二年壬戌八月庚戌

嘉興府志

卷十七

冢墓

无

享年五十有二娶錢氏子三長龍驥授澉川鎮遏使娶聞人氏次子昱節度使銀青光祿大夫娶都虞候鎮遏使鄭公艮女三日晟吳典刺史高公掌書記判官娶同里許氏諸孫皆幼公嘗有咏志詩曰輕身都是義徇主始為忠至是竟符其讖云初未有誌至是龍驥屬余為之而復系以銘銘曰河山毓瑞帶礪鍾英徒步奮跡赫聲濯靈公磨叛梗九首憑陵磨牙王國吮血蒼生公怒興發撻伐擊膺矢屠揆瑜以身殉君功高盟府猷壯干城光啟前列垂裕後昆忠孝續襲勲土褒旌連岡重窆妥綏義魂桓赴世選規耀貞珉丞相皮光業撰

宋

常家墳 常家墳不一處南橫山荆山雪溪呂冢各有之

今在涇塘橋西者不知何人葬相傳元季嘗為苗軍所

發後子孫徙居郡城遂成荒坵 海鹽徐志 續澉水志云常同七世孫所立碑

云常氏六世顯祖少師謚忠毅公同邛州人也建炎南渡子孫遂居海鹽本末載存家傳高祖令孫晦跡澉川

曾大父口營葬先人于八都平陸曾叔祖上舍棠營葬先人于十三都颺山之原本派乏嗣過口父宣教庶承繼恐後不知二坐創業之艱難故述各墳本末刻石以貽諸後云云餘皆破碎不可讀今颺山之墳華表石馬見存明蔡翀詩異代豪華事已非空餘石馬傍山蹊千年故物埋荆棘風雨時聞半夜嘶案常同紹聖御史安民之子父子皆有傳見宋史趙圖記云橫山顧況宅旁有常家墳又云南橫山荆山雪溪皆有之橫山顧況宅旁之墳徐泰董穀胡震亨皆不見所載此或因南橫山而岐誤也海鹽圖經載魯氏墓魯故世為海鹽人然自折縣後諸墳在平湖境另列于後

端明殿學士常楸墓

在五都常墳橋

新纂案常氏家譜云國學進士常

世卿諱令孫墓在七都呂豕二墓因雷州公士昌卒官失之至成化中侍郎公麟知州公龍查復至嘉靖四十年又為隣人所據萬歷三年楚雄公公焯白郡太守李公始勘明給帖承管

陸尚書墓

豐山舊志未詳何人疑即陸垓也

海鹽圖經案垓高

嘉興府志

卷十七

冢墓

三

郵人建炎初徙海鹽乾道五年進士知和州官至尚書

太中大夫文德公陳公輔墓

在古衡山下公輔字國佐

中政和二年上舍第一歷官敷文閣待制轉徽猷閣贈

太中大夫謚文德從高宗南渡卜居茶院遂葬於此

海鹽

續圖經案續圖經又云子世熙字光斗恩蔭生官工部主事墓在邵灣白杰山六世孫貴字松庵舉人墓在大旗山世稱陳墳嶺十四世孫修職郎顯墓在康思橋

元

隱居屠曾墓

曾以元至正三年浙解隱居卒葬州東北

一里

新纂案今演武場

邑合顧泳墓

縣尹顧泳至元中本縣未陞為州以前任

海鹽仇志 泳汴人卒葬海鹽尚胥橋吳志 泳卒官貧不能還子

孫葬之尚胥橋南水際因家焉墓田五畝嘉靖間邑人

董穀請諸郡得復除海鹽圖經

嘉興路總管同知李衍墓 縣西南三十里苞溪上新纂案

衍汴人元大德中以賢良起家官嘉興路同知因家苞溪歿即葬于是地墓上有山茶花樹一株大可數十圍交柯連理花葉繁茂歷久不改人稱為茶花墳蓋李氏台族數千人纓綉接武為禾中之望實始于此

宣慰楊梓墓 宣慰墳有三所一在颶山一在荆山一在

吳家山其在吳家山者宏治間為人所發夜入見柏梁

柏柱鐵索懸棺金果五盤以一大漁籠裝之出天明視

之皆土果也衆日夜視甚真信變化矣止餘一硯甚佳

嘉興府志

卷十七

冢墓

三

形如風字賣于天寧寺僧舍今歸嘉禾項氏續澈水志

尚書貢師泰墓 在縣西南三十六里紫雲山下元禮部

尚書貢師泰葬此貢因兵亂游寓硤石山海鹽仇志 朱嘉徵貢尚

書祠記明興先生耻事二姓有終焉之志宋文 憲濂銜命往強起之先生無言一夕仰藥卒

何先生墓 在金牛山海鹽續圖經 案碑稱何先生墓

所定今墓前短垣猶誠意所命築云山有米芾書第一山三字 國朝吳夔何墓觀米書詩石刻伊誰筆相聞是米顛山靈常見護墨妙自能傳洞識遺踪古碑欽處士賢髻年游戲地回首一悽然

孝子沈嗣昌墓 在豐山孝子字壽康墓久荒無知者明

正德末知府徐公盈考郡志嘉之移文邑宰張公廉訪

其墓已為居民所佔求其後給還之仍進祀鄉賢續澈水志

案許相卿革朝志沈壽康事親孝喪祭執禮臺省論薦力辭不仕人稱孝隱先生嘗謂桐鄉程本立曰世競業舉以經學名而無其實吾所不取

明

錢橋崔氏祖墳 宋季崔應龍為都督徐應選之壻居永

寧鄉即今崔族所居處 張寧崔氏宗譜序 案錢橋在永寧鄉崔居舊在錢橋南應龍

墓已失考四世孫斌輔當元季為萬石長典理州稅值楊完者之亂賦入不時逮繫集慶獄明太祖取集慶始釋歸卒葬錢橋北俗稱檀樹墳又錢陳羣崔氏宗譜序云自應龍四世孫斌輔迄今歷五百餘年墓門松柏依然春秋享祀不絕仕宦不必顯而子孫多儒流田園不必豐而宗族相任恤亦近代所希觀橫山著姓有六首稱崔氏固宜

廣文沈盛墓 近有掘北門外冢得墓碑是宣德中廣文

嘉興府志

卷十七

冢墓

三

沈盛之墓有誌銘莫用行撰莫布衣能文為張靖之所

推樊侯罪發墓者為改葬之 海鹽圖經 明鄭端允詩古木凋殘陌上墳哀猿聲

慘不堪聞憐君今日知名姓好事爭傳窆石文

通政朱侃墓 社稷壇後 海鹽徐志

案海鹽徐志及圖經皆載葉侍郎春墓春海鹽人事見明史熊概傳其墓在三都大易鄉析屬平湖另列于後

給事張寧墓 在西關外順寧橋南 趙圖 公墓荒蕪吳公

昂為諸生時建議修復萬歷間鄭治中心材復修之天

啟三年邑合樊維城禁樵采捐俸重葺為文以祭 海鹽圖經

國朝康熙十一年主政張肱監生張元燭以公無後捐貲於

墓旁築屋三楹以為祠祭之所 袁志 案順寧橋在西門外俗稱葉家橋 寧

自換碑云寧與先孺人墓南向居祖墓右際側室附葬六穴皆循右東向北上以象生序頃見黃博士子婦有至節歿無所歸寧亟求遺骸為殮葬已失一臂故六穴皆未歿而預為曠宅所以虞不備皆未葬而先為表著所以備不虞事難竟言勢難盡保寧豈耄僻至此亦自盡其心以聽乎天而已 樊維城祭文某嘗讀國史仰先生鳴鳳之高風栖鸞之善政而又慨先生之不容于時使大厦異材偏支于一隅敷天霖雨但澤于一郡則宰相之過也當其時高位大祿者不知幾許人而至今唯稱給諫方洲張先生則信乎過眼之繁華不足據矣牛山同盡而向日之排先生者能與先王爭乎且將蕩為冷風陰為野土散為蟲沙無知之物而先生在大虛之中靈光獨迸即當時為先生憐者同先生謫者亦有數人雖不能救而猶賴先生以傳其他唯喑喑之夫非不免一時之謗而至今誰復知之者某于崇祀既禮先生之主于修文又讀先生之書可以無憾今春有人稱先生墓垣頽廢且子孫皆零落無能存活者因召而問之慨然命駕循視碑碣雖無磷鑿而寢門果半圯其中亦鞠為茂草矣因令守祀者掃而拜之惡夫弟之無從也遂具持牲兼助薄俸修葺其壞不知先生之來否

也 國朝馬世榮詩緩步西郭西高橋夾廣津旁有黃門墓梅花落經旬清風薄暮動宵宵吹松筠

橫山張氏祖墓 在稱字圩張學官橋 海鹽續圖經 案

宗晟葬此嘉靖戊午解元張奕即其孫也又鄉飲賓張天碧墓在關字圩崇禎時工科源思其元孫

南昌知府鍾梁墓 開濟鄉大關里 梁自撰西阜老人墓誌銘云昔傳奕杜牧

自誌墓陶潛撰祭已文老人異之曰豪哉達矣夫今人子孫之為者欲侈先行求顯盛者為之恒見嗤于達者老人為是懼教生平事畧書諸石匪曰矯俗惟表其志爾矣

給事許相卿墓 澈浦觀音山東

處士朱朴墓 西關外大關里 以上新纂

尚書端簡公鄭曉賜墓 勾塍山 海鹽圖經 案山在歟城中有小黃石後人取其土石存僅十二三 隆慶元年

諭祭文卿以端潔之行閎敏之才發解鄉闈擢秀甲第

職兵曹則飭戒懋績任銓司則典選稱平官偶左遷名愈奕起久敷歷于中外茂宣樹乎聲猷總務漕臺國儲久資以充裕兼撫淮甸夷氛實賴以蕩除少宰貳天曹不著公清之譽中丞理戎政益蓄撻伐之威特晉秋卿克協明允倚任方切勤勞足嘉乃謝事以退休猶一德之不懈何將召用忽報長終式念往勲之多用頒卹典顧軫老成之逝爰贈官階既節惠以易名仍賜葬而諭祭爾靈不昧尚克歆承又卿才能敏達學識宏深蹟著兩京官歷四紀尚冀謨猷之畢究忽聞耆彥之淪亡方切悼傷倏臨窀穸載申諭祭用示優恩英爽有知祇承渥命

光祿少卿鄭履淳墓

在東凌港

案弟比部履準墓在吳家堰少卿子京兆心材

墓在涇塘橋

太常卿錢薇墓

在沈蕩西北之西彭城

張時徽諫此史記忠白簡表異

左臺右掖上聞丹屐帝曰嘉哉社稷之衛何以旌之奉常是貳何以卹之有司供祀顯忠意良泉臺攸庇

嘉興府志

卷十七

冢墓

諸

舉人錢與映墓

在澈浦北湖

以上海鹽續圖經案與映孫監生福徵墓在澈浦

荆山之陰有張履祥墓誌見楊園集國朝鄭壽平詩一臥千秋月青山繞白雲樓松開五粒羊石叱雙羣蛻冷埋仙骨珠藏誓墓文湖天無限好登眺倚斜曛

王海生墓

宏治甲子之歲前令王公璽墓子金粟山上

翰俸于寺令內三畝為官山

海鹽仇志王璽碑記璽視篆之二載為宏治己未

六月四日生兒因名海生性頗慧璽甚愛望之壬戌冬十月十有五日病痘遽不起璽哭之痛厝于公署之東甲子璽陞知德慶州乃葬于金粟山西麓山之前故為寺托寺僧守之又其北有訓諭何且南有部民陳源其兩家子弟皆愛戴璽者豈無推愛海生為之禁護其損侵者耶於戲慧之蚤命之夭莫能永存亦方乎苟老古國朝何兆辰詩棠梨花暗鷓鴣天漠漠雲封百廿年長共山靈伴父陽半畝白楊期勿翦他時雷取比甘棠案王海生孩抱中物木不足記然胡赤城云王公于

邑有惠政故備記之此亦公羊所謂善善欲其長之義也

小橫山顧氏墓 小橫山大不敷里率顧莊二族葬此明陳

與郊隅園集顧氏墓記畧顧氏墓在小橫山西故贈某官某公營之以葬其父某翁母某孺人而公之卒也子孫奉公遺命耐焉墓地百餘畝周遭繚垣廣若干丈而題其竈道曰湖村里阡其堂曰永寧堂左右有春輝風木二亭翼之而外施重門以入曰白雲深處又其外則引泉為池池上有橋池之泉自墓東石澗中透龜西注鳴聲汨汨公感而樹表池前曰感泉仍築臺澗旁以祠山靈碑曰震崑神云

知縣崔培元墓 在縣西四十二里天增賢橋西北以上橫山

紀畧 案培元青陽小試甚著循聲所撰音潮州堂橫山艸堂詩集沈氏橋李詩繫朱氏明詩綜皆多所甄錄是知一斑

贈光祿寺卿吳芸吳霽父子墓 芸墓在永安湖大成山

嘉興府志 卷十七 冢墓 三五

季子贈兵部侍郎耐昭穴長孫蕭縣知縣耐穆穴霽墓

在雞籠山 再續潑水志

尚胥里朱氏墓 在麻涇南合族數千人稱邑大姓

員外陸錫恩墓 在尚胥里錫恩平湖人贈刑部員外郎

贈公陳謙墓 謙吏部所學之祖葬開濟鄉社壇北以上海鹽

續圖

御史彭宗孟墓 在翁東港 新纂 案墓誌宗孟先世自江右安福徙直隸全椒始祖

勝以義旅從高皇開國積功世雲南平越指揮三傳玉改海寧衛遂為海鹽人又六傳為公父昭毅將軍紹賢至公始以文職顯

太僕謚節愍彭期生墓 在馮將軍廟左 海鹽續圖經 案太僕畱守嶺

北殉流寇之難其死所在章貢臺既而臺焚尸亦燼焉
有故吏杜鳳求其壙所發視之惟心不毀殮以石函後
會堯臬攜之來海
鹽乃具衣冠葬之

尙書吳中偉墓 在澈浦北湖之北雞籠山有永思祠旁

有寶綸閣 沈允芳撰神道碑 國朝吳熙詩寶綸閣
外湧松雲中是前朝司寇墳落日憑欄秋水

闊蘆花風
起雁紛紛

陳則梁先生墓 則梁先生名在復社晚年卜壽藏于城

北倉橋

處士徐文貴墓 在縣西南碧里山東 案文貴號近溪弟
遜字自愚均有文

行墓在碧里山南湖廣西兵備
副使鵠號前峯墓在碧里山東

處士徐顯墓 在黃道湖烏金浜北 以上新纂 案顯字
德揚號耕樂有善士

嘉興府志 卷十七 冢墓 三

之目又鄉飲賓徐瑤墓
在黃道廟東張家橋

舉人沈燭墓 雲岫山背有武塘孝廉沈燭墓 雲岫
庵志

鄉賢徐鼎墓 在縣西南角里山之西 徐氏宗譜 案子
諸生應奎亦崇祀

鄉賢墓在縣西
南大步山頂

尙書謚烈愍徐從治賜墓 在大步山崇禎六年賜葬地

孝廉昌治墓在大康橋 海鹽續圖經 御賜祭葬文績
著疆場勞深海國當烽煙之旁

午冒矢石以捐生城頭畱化碧之丹祠下位招魂之候
為營若斧并錫借藏寵隆司馬之阡名重睢陽之節載

昭俎豆永賁泉臺
錢士丹撰墓誌銘

贈兵部侍郎吳中任偏沅巡撫吳麟瑞墓 在泊櫓山陰

再續澈水志 中任墓有張源思神道碑麟瑞墓有徐
開禧墓表麟瑞弟兵部主事麟武墓在鳳凰山陳許廷

撰誌瑞長子孝廉晉晝墓在麟瑞墓西次子諸生謙牧墓在永安湖湖山嶺北張履祥撰誌

太常謚貞肅吳麟徵墓 在六里堰泊櫓山陰 長子諸生壯與墓在

其西次子蕃昌墓在雞籠山西張履祥撰誌 諭祭明原任太常寺少卿吳麟

徵文褒忠揚美帝王勵世之權盡節捐軀臣子許國之誼惟爾學窺性理意篤忠貞官秩貳卿夙夜奉寅清之

訓時當未造寢食懷枕惺之悲道寇陷都城君徇社稷乃能從容就義忱慷投繯既大節之克終豈幽光之莫

爾特遣官致奠賜謚褒嘉表異代之英魂流芳青簡昭蓋臣之懿矩賁寵黃墟爾靈有知尚其歆格

總兵謚忠烈崔文榮墓 在豐山 案文榮初為分守武漢黃三府參將加副總兵

崇禎十六年賊陷武昌文榮出戰歿

吏部郎中曹元方墓 在大河堰 汪琬撰墓誌銘曰公諱元方姓曹氏字介皇世

居海鹽之淳風里父侍郎公諱履泰舉天啟中進士踰十八年為崇禎十六年公亦舉進士父子皆侃侃抗直

嘉興府志 卷十七 冢墓 三

不撓以才學並著聲譽 中朝爭推為士林正人

澉川朱氏祖墓 在澉川青山之麓 以上新纂 朱氏明初自婺源遷澉浦族

甚繁 國朝陳士璠遊青山過朱氏始祖墓有感詩知是江南派移家到海東可憐千里駿終老此山中但

得延宗祀甘埋漏澤園孝 思誰可訴付與後人論

舉人祝淵墓 在永安湖雞籠山淵字開美海寧人崇禎

舉人曾疏救劉宗周乙酉南都亡自縊死 澉浦詩話 吳蕃昌再經

雞籠山酌祝先生墓詩送子清溪月當時鶴雁歸即今芳草綠長與故人違雲冷青蠅散林空白鶴飛山陰回首望同此一沾衣

姚節婦墓 在澉浦婦周氏澉浦姚璉妻年二十五夫死

父欲嫁之抱幼女溺死給事張寧為之傳 柳志

古節婦墓 在南城郊外古節婦墓也萬歷中詔旌沈節

婦王玉貞氏之門樹坊郊外掘得古碑有沈節婦王氏

墓銘姓氏適合多傳味者姚士粦詩有姓名驕合璧冰

雪老雙花之句

海鹽圖經

案王文祿海寧衛志本衛墳塋都指揮王貴俊軒臣勲國賢葬開濟鄉西右蕩先公佐葬白苧待葑原指揮王信商允徐鑑劉清王憲彭玉千戶張雄封君徐昂義士仇必達必顯高逸胡寬胡宏葬西古蕩指揮王方馬文方正嚴政衛鎮撫張武千戶蔡暉黎勝陶炳封君張翥縣丞朱蓮子陳孫佐俱葬北古蕩指揮李安姚青來旺葬五里窰指揮向鷹葬西停駕橋指揮崔英葬豐山陽不能備述存其大者以見例安得有司能行周官之法存澤及枯骨之心遇造冊年令各都具報纂錄以附縣志免侵掘之慘胡赤城所纂圖經具載此文于方城篇今亦載之碑仁人君子得以覽焉

嘉興府志

卷十七

冢墓

國朝

侍郎彭孫通墓 在縣西南六里 吳志 宋坡穀樹橋 海鹽續圖經

州同知吳朝銓墓 在泊槽山陰 許焯撰墓誌

給事張惟赤墓 在開濟鄉詹家橋大學士高陽李霽撰

誌銘 以上新纂

商隱先生錢汝霖墓 在紫雲山 海鹽續圖經 案商隱墓在雞籠山續圖經誤

見澈浦詩話

鄉賢何澄墓 澄字滄洲性最孝卒祀鄉賢 新纂

贈尚書許日章墓 在金竺大橋子禮部尚書汝霖墓在

南 海鹽續圖經 海寧州志日章字崑生性孝友崇禎之季邑大饑大出困粟濟之歿無殮者予之棺論者

多之汝霖號時庵康熙壬戌進士歷官禮部尚書詳浙江通志

崖州知州何其仁墓 在半邏張墳橋南新纂

尚書清恪公陳誥墓 在半潮山雍正二年

賜祭葬 浙江通志 海鹽續圖經 云附繼考 贈公之闔墓

大學士文簡公陳元龍墓同 贈公之闔墓在六步墩海鹽

續圖經

通政何元英墓 在五河涇 案元英順治乙未進士歷官通政使參議最工書畫有名

于時

知縣毛之林墓 在縣東門外龍神廟後與楊廉使祠相

近 以上新纂 何兆晟詩秦塘一棹路通津弔古來瞻社稷臣荒塚青山常作蔭盈途赤子尚懷仁只憑老

嘉興府志 卷十七 三

納司香火恰與前賢作主賓身後餘靈猶報國年年渤海不揚塵

贈副憲陳訐墓 在北門外半塘

贈中憲錢標墓 在永安湖西北紫柏山 以上海鹽續圖經

刑部郎中王廷獻墓 在道塘 案廷獻字幼拔海寧人康熙辛未進士有谷湖詩鈔

孝義張元熠墓 在蔣家橋西北即其住屋後圃

大學士文勤公陳世倌墓 在澉浦王家橋北

學士朱佩蓮墓 在縣西南山茶花港

知縣王綬墓 在東門外龍神廟後毛公墓旁子諸生世

魁及妻褚氏附 案世魁寄籍海鹽補諸生試輒冠軍痛父以勞歿于官哀毀而卒無子其妻褚

氏年二十亦以哭夫致殞邑人義而合葬之

生員崔京錄舉人學淇學泗墓 在縣西四十五里稱圖

何家浜藤花埕之左

尚書諡文端錢陳羣墓 在縣西化成蕩乾隆庚子甲辰

翠華南幸遣官致祭

安慶同知錢汝恭墓 在沈蕩南若木里

大理知府汪上墳墓 在山茶花漾 潘思榘撰誌銘 案上墳秀水人吏部主

事汪孟 弔之父

孝子吳玉章墓 玉章海寧人乾隆六年題 旌墓在龜

山之陰閣學錢載撰墓誌

給事中朱丕烈墓 在城北鳳凰堰東水灣橋

嘉興府志 卷十七 冢墓 四

汪烈婦墓 邑令張九華之妾九華卒官汪自縊以殉墓

在西門外關帝廟西 以上新纂

平湖縣

龍母冢 陳山之巔有盤石為龍母冢遇大旱祈禱以酒

酌石輒有暴雨洗壇 至元志 相傳龍君以三月十八日生

歸藏其母于此 平湖程志 國朝陸世楷詩誕降有

自育雀窠陳山巔有墓拱其木青峯繞佳城幽宮協天

卜坼副即飛騰於毛豈有屬猶念鞠我恩歲歲來洗沐

濱多逸民策杖訪林麓咄咄駭異聞兩石自相觸石如

天女墓 在乍浦人侵犯即有土蜂黑氣逼人 至元志

齊三十墓

海鹽縣東十五里

海鹽圖經案卽乍浦齊景鄉地九山志梁莊城西

地名古冶場

有公孫捷田開疆古冶子三墳俱事齊景公勇

烈有功于景公晏子以桃二顆令言功三人同日而歿

葬于此

吳地志

海鹽圖經案諸葛亮梁甫吟有齊城門蕩陰里之句則三士墓在齊地矣然搜神記

載古冶子拔劍斬龍在蜀與長沙間水經注以爲並齊景所不至疑而存之則此地之有三士墓亦不必深辨

其真僞耳吳志案青州舊圖經臨淄縣塚墓門云三士冢在縣南一里三墳周回一里高二丈六尺張肅齊紀

云是烈士公孫捷田開疆古冶子冢

龍尾山古墓

龍尾山下盛姓宅後有一高阜欲治屋具

畚鍤平之得一碑曰白馬將軍之墓棺已毀惟硃漆存

觸之卽爲灰燼中惟髮一束鏡一枚純綠旁似新月形

嘉興府志

卷十七

冢墓

聖

去城西二十里

海鹽砂腰村

有白馬廟祀白沃使君或是其

遺跡云

九山補志

三國

皇象墓

在縣東南三十里

明一統志

高一丈周圍四十五步

至元志

輿地志象字休明廣陵江都人善隸書趙圖記青州刺史

雅山古墓

乾隆二十一年臘月雅山下居民營墳穿土

得古墓取二磚以出仍掩之磚長尺餘色黃側有太康

七年七月七日造九字太康晉武帝紀年也

乍浦志

青龍觀古墓

觀山西麓有青龍觀故址松江僧湛之欲

拓地重建里中曾士完捨山開築畚鍤咸舉鏗然有聲

窮之得一古墓方下圓上石磚發頂磚徑長可尺有咫
橫三之一而斜墊其徑之一角使可規圓而合砌題其
側徑曰咸和元年八月十五日作橫曰宜侯王墓斜墊
角殺可五之一鏤為虎頭而虛其墊角之側徑無別識
磚質堅細懸而下中多紫藤香甚有石板長數尺資鉢
一鉢中水甚清大鏡一純綠小鏡一又小似鉢者數枚
俱無識墓南數步有隧道碑塞之碑有方孔二疑內卽
窆所惜無辨其字者知縣賴垓聞之禁勿令開所得鏡
觸手輒碎及出墓道迎風漸堅小鏡與餘鉢俱歸之縣
時崇禎壬申五月二十八日距晉已千三百餘年宜侯

王者史莫可考

九山補志

乍浦志引洪适隸釋云永

平八年甄一建初三年汝伯寧甄一七年曹叔文甄一元和三年謝君墓甄一永和元年景師甄一其文皆隸書也或云萬歲舍大秋善或云千萬歲署舍子孫貴昌未央大吉云大吉陽宜侯王虞荔鼎錄云蜀章武二年先主作二鼎一與魯王文曰富貴昌宜侯王一與梁王文曰大吉祥宜公王並古隸書高二尺然則宜侯王者乃古人頌禱之辭非姓名之爵也咸和晉成帝年號明李天植詩千載遺弓鎖碧阿新開日月見咸和蘭膏已盡燈何在綠玉猶存鏡可磨南渡衣冠無故物東來形勝只滄波荒坵好與重封誌為爾還吟薤露歌案龍母天女事涉誕妄然自宋元以來地志皆載之龍尾山等古墓彷彿謝惠連祭冥漠君古冢事因備錄舊文志三士墓不當在此前人辨之已詳存而不論可也

陳

鴻臚卿顧安饒墓

在陳山

名勝志

案安饒野王子至元志高一丈三尺周七十步

唐

唐陸府君墓

在當湖市

輿地碑目記

陳環墓

在齊景鄉雅山南二里有墓誌不著作者姓名

海鹽圖經 唐故陳府君墓誌銘府君諱環潁川人也祖興父道清並不求宦達君即清公之第二子也幼著才識長嫻規矩克言理行鄉閭所欽何圖天不佑善以會昌二年正月二十一日終於私第享年六十有三以當年八月十八日窆于蘇州海鹽縣東二十八里齊景鄉雅山南二里祖墳南舊塋禮也君取吳郡顧氏有子三人長曰遂次曰師損三曰公甫並至謙至讓忠乎孝乎泣血主喪絕漿逾制後恐日月久邁陵谷遷移刊石為誌永傳不朽銘曰山作田兮田作海萬古存兮誰不改青松新龍曉無年千載維留名記在案平湖王志云墓誌惟陳環全錄其文其餘行事已見列傳者但節錄銘詞若無傳諸人則畧附梗概于此

宋

嘉興府志

卷十七

冢墓

三

參知政事簡肅魯宗道墓

在齊景鄉當湖里即今縣東

南桑園街墓前有碑

平湖朱志 李迪撰墓銘云直哉貫夫宦寓于湖土堅而秀室安而

固其名不朽其嗣孔茂何以銘之千古如在 張士遜撰神道碑銘云魯以國氏世遠支蕃公參大政剛斷立朝天位以正社稷以安孰不事君乃惟勿欺孰居于相乃能無隱錫爵優隆敕諭彌榮當湖之里齊景之鄉銘昭于遠俾嗣其芳 明沈懋嘉詩家家寒食各紛紛畱得輕風上綉裙滿地紙錢人不掃草花紅過魯家墳案海鹽圖經及平湖程志皆不載宗道墓平湖朱志始增入考魯氏世譜所載誌內明云當湖里齊景鄉自屬據可

正議大夫魯壽寧墓

在縣東南二百五十步

魯氏族譜作湖口

壽寧字景修號東庵宋宣教郎致仕累贈正議大夫

柳志

湖遠峯列如筆架一塔屹于波心文峯挺立登名仕版

開窗括異志正議之塋瀕湖占勝為一方冠南皆枕

者世有其人視他族為盛淳祐間忽樹間出煙一道遠近莫不驚異有細視之者見其間有蠓蚋不可計從樹中出終日不絕蓋此煙即此所成不知何異

宣義郎魯壽淵墓 在齊景鄉壽淵字景源號南林宣義

郎 平湖程志 閒窗括異志南林高祖塋嘗聞伯叔祖言初營地時高祖頗明地理將鑿池引水至墓西南

夜夢一婦人曰妾有墓在正南所開池處君戒役夫勿傷我墓常有厚報次日果于其地得金數塊遂用以營寺至今其墓尚存自創建以來將踰百年林木鳩竹視他處為盛丙午夏忽生雙笋數株然竟不成竿亦無他應

司理魯文謚墓 在縣東五里 柳志 喬行簡高郵司理魯公墓銘爾積之厚而進

匪驟盡究所存胡喬其壽詩書有傳科級維舊或柅於前尚昌爾後

陸通一墓 舊即縣基宣德五年建縣治遷北城內 今趙

嘉興府志

卷十七

冢墓

器

通一象山六世孫明理學 案平湖縣給帖為建置縣治

奉旨設縣據吏部員外余相得縣治應建於當湖鎮之中係居民陸廣等墓祖墳族居環其左右應擇地聽遷查得北邊公地二畝二分龍清水秀政堪窳安為此帖仰陸廣等即將祖墳移葬世守管辦勢豪毋得侵佔須至帖

案省志作巡司陸啟禎墓引海鹽文獻志為據而舊志皆作通一考陸氏家乘墓圖主穴為通一昭昌二穆墓次昭鯨次穆寬銓在今縣基儀門內所遷縣西北隅者乃通一墓碑尚存可考故仍舊志並証省志之誤

翰林學士承旨趙孟堅墓 在廣陳輦字圩 海鹽圖經子

徙居崇德廣陳今平湖宋時為海鹽地平湖趙伊謂幼時見其地高阜纍纍居人皆指為趙家王墳樵採有禁云 張雲錦書平湖縣志輿地志後子固系出安定王家廣陳時建王祠既歿而葬祠西偏祠圯土人呼其墓為趙王墓蓋以祠故誤也見賀將軍傑所撰祠記而天啟邑志載云樵採有禁竟未知誰事比之漳河疑冢

甚為可笑康熙間所修邑志尚仍前說
余故書之以俟後之記地志者正之

碩儒周貴一墓 距魯簡肅原本作壽寧誤墓西三十步貴一碩

儒講道武原子勝一仕元為提舉葬昭次

靖獻先生陸正墓 在廣陳鎮元王昭大撰墓碑銘云平章敏澤乃發先生遭此革

運棲老藏名其名則藏其道孔明箕頽之節洙泗之經一邱掩魄千禩垂聲

石總管墓 在東泖口總管廟西有石氏壠跡以上平湖程志婁

縣志考宋史石保吉尚太祖女延慶公主石端禮尚哲宗女陳國公主石氏為駙馬都尉者惟此二人史稱保

吉家多財所在有邸舍別墅則此所謂石都尉者疑當屬之保吉然保吉終于鎮安節度使而志云江淮總管亦與史不合

未可臆定也

朱提舉夫人陸氏墓 在德藏寺後吳志樂郊私語楊璉真仰率眾過德藏

嘉興府志 卷十七 冢墓 四

寺將發陸左丞女朱夫人墓寺僧真諦忽現神力掣韋馱杵擊之楊以為神竟去墓得全

元

徵君陸壽一墓 在安圩壽一至正間人歷聘不赴隱居

祥里平湖張志

殿中都尉張燧墓 在新倉南虬柏秀鬱代出賢良簪紱

纍纍至今子孫蕃衍

處士陸應奇墓 在南陸應奇靖獻先生子元末避居華

亭胥浦鄉其地因名南陸卒葬焉後為姚氏宅惟存祭

掃地今姚氏宅廢四隅立碑為界稍復封樹以上平湖朱志

進士陸景雲墓 在鶴嘴涇景雲致和元年進士投提舉

終不赴

恭靖侯賀傑墓 在縣後玉帶河旁有坊曰恭靖侯賀十

萬公墓 案程志氏族門載傑父億字十萬考坊額應是億墓舊志皆作傑姑仍之

處士趙友一墓 在新倉鹽運河南有木甚奇 案木係古柏乾隆已

卯風潮仆 其七世孫趙漢題墓 以上平湖程志

明

處士張迪墓 在蒹葭園南寫字圩迪字靜庵忠獻十一

世孫元末隱居好義自獨山遷蒹葭園子孫聚族于斯

卒葬焉墓有石羅城 俗呼石穴 子敕賜八品冠帶張瑜葬昭

次 平湖朱志

嘉興府志 卷十七 冢墓 吳

刑部侍郎葉春賜墓 在大易鄉宣德八年諭祭 海鹽圖經春墓

子孫失守天啟間知縣樊維城贖而修葺之給其後人名曉若憲者奉祀為文告之其畧曰宣德去國初未遠俗尚質樸居官者得獨行一意取其足達于王事而已矣不相責望以體面人情也嘗讀信史見先生自請按浙一事此非處治朝遇明主必不能為奉詔而行復命無距此固聖天子見萬里之明而先生之直氣勁節真不可泯也先生以仁故能行其剛我聞仁者必壽亦必祿及子孫間之文貞公墓誌中道先生壽矣及某訪先生子孫僅有存者皆農功客作者耳昔李青蓮不過文士慕遺風者尚猶為祿其女行其書何況先生功德在人高山可仰謾謾清風巖巖喬嶽而可無以表揚之乎二人來見云係先生七世孫家傳聖諭墓碑徵之而信猶是掩面稽顙嘆墓田已更于他姓石碣亦斷于樵人泣然久之方謀修復用布諸塋次云

武畧將軍施雷墓 在北門內雷原秩千戶正德間以出

費助賑救加都指揮使 以上平湖程志 案嘉靖四十二年秋施武略墓前水如潮諸

港徹底奔赴繞墓水高數尺其裔中書施日升葬釣字
踰時乃復是日施鳳來生
圩

湖廣參政倪輔墓 在齊都古字圩胡觀橋古木陰翳嘉

靖倭變居民爭匿以免
以上平湖朱志
薛剛撰墓誌銘

太保康僖屠勲賜墓 在鄂陽山麓正德十二年諭祭湖

程志 楊一清撰墓銘云窮經學古士則宜然或滯于
用匪才之全公少有志無書不讀視天下事皆在我腹
既奮厥奇周旋曹司析紛舉劇無試不立引經折獄以
儒飭吏發為詞章乃其餘事昔在孝宗賢俊彙征公名
日起與位俱升建節東巡方畧圖上翼翼重關屹成巨
障億萬畿民賴公底綏問其疾苦卹其寒饑入掌邦禁
刑暴詰慝何幽不宣何滯不服初服三事皇覽曰俞致
君堯舜惟爾嘉謨祈天我志祥刑爾職慎爾三尺長我
王國大姦竊柄毒流九圍公有先見不蹈危機少行老
歸公不待老其身雖隱其德彌邵彼進而顛公退而安

嘉興府志

卷十七

冢墓

畧

紮短較長公何憾焉公惠在人
公名在史公澤在子其流無涖 仲子參政屠應坤亦葬

山之陰
平湖張志

江西參議沈煉墓 在黃山下

殉難百戶徐榮墓 在湯山

殉難千戶王鏜墓 在觀山

殉難百戶楊臣墓 在苦竹山後
案海鹽圖經名宦內有
禦倭戰歿之乍浦所百

一戶楊恩臣
疑卽是人

贈都督僉事殉難百戶康綬墓 在陳山寺東崇禎間其

孫承爵以戰功如銜都督僉事追封先世就此焚黃告

墓焉
以上九
山志

山西參政趙漢墓 在北門外福臻寺後字圩墓前有碑

日諫議名臣孫進士趙邦秩立其子廣西副使趙伊墓

在華村坊勸字圩墓碑亦邦秩立新纂

孝子郭球墓 在北城內倉橋西平湖朱志

工科給事中馮汝弼墓 在東門外黃谷山翦字圩新纂徐

階撰墓銘

滁州判官王梅墓 在福臻寺東北沿盤匯平湖朱志

延平知府陸志孝墓 在冬青潭吳志案舊志誤國朝今更正

贈翰林院修撰沈宏光國子監司業沈懋孝父子墓 在

莊里平湖朱志

嘉興府志 卷十七 冢墓 吳

昌國備倭把總周翼明賜墓 在黃山程志萬歷四十七

年賜祭葬九山志

贈雲南道御史過厚墓 在過家溪北致字圩其南洋濱

廟前卽其子應天府丞過庭訓墓崇禎二年諭祭平湖朱志

山東左參政贈太僕寺卿馮敏功墓 在華二十二都三

徐塘西新纂

禮部員外贈光祿寺少卿陳泰來墓 在小南門外李字

圩

兵部侍郎陸長庚賜墓 在東湖西崇禎九年諭祭其北

卽贈江西布政使陸珂陸文典墓

湖廣布政沈萃楨墓 在齊都近字圩陶家浜

江西提學副使陸錫明墓 在二十三都岡字圩以上平湖朱志

處士王路墓 在黃山南麓九山補志

封中憲大夫陸鮮行人司陸志忠父子墓 在齊都敦字

圩新纂

福建布政陸懷玉墓 在虹霓堰伏字圩平湖朱志

定州知州進兵部員外胡震亨墓 在高公山之陽

嘉定州判曹宏毅墓 在陳山東以上九山志 案宏毅字叔完乍浦所人入南

雍正授嘉定州判有能聲署威遠縣清理枉滯甦馬戶之困民德之以是獻賊之亂得免難歸貧甚授徒自給

年七十卒

嘉興府志 卷十七 冢墓 巽

貴陽知府朱茂時墓 在十七都冬字圩之洪家港新纂

舉人李天植墓 在乍浦牛橋西北平湖張志 國朝葉諫詩寥寥蜃園詩

卓卓龍湫客何處弔孤墳青山澹將夕

舉人馬嘉楨墓 在衛家浜案平湖張志作給諫吳

副榜貢生過銘簞墓 在致字圩平湖朱志 葉燮撰墓誌

濟南推官陸燦衣冠墓 在泖口畫字圩

高士李延昱墓 在東湖濱潔芳橋東北葬用浮屠法外

周以牆其形方而虛其前作圭竇以上新纂 朱彝尊撰塔銘 于東臬當

湖雜詠混跡醫翁道士間半生鄉井不知還一杯黃土鸚湖曲剩與閑人說放鵬

都督僉事康承爵之妻戴氏墓 在陳山寺東舊為張氏

墓未及葬售之承爵葬夫人戴氏乙酉承爵歿于邑城
西門外常平倉前惜無人收其遺骸者九山志 于東
康參將戰地殘骸不復還杞婦
淒涼餘馬鬣夜臺空上望夫山

國朝

戶部侍郎秀水曹溶墓

在十七都周恩塘

平湖朱志

戶部侍郎馬紹曾墓

在縣東三里白沃廟東北

平湖張志

生員孫之琮墓 在亭子橋北義士圩

平湖朱志

御史 贈大學士華亭王廣心墓

在南陸

王氏族譜廣心字伊人號

農山順治己丑進士累官巡倉御史 贈武英殿大學士著有蘭雪堂集

戶部尚書華亭王鴻緒墓

在新帶東北二里南巷雍正

嘉興府志

卷十七

冢墓

年

元年

諭祭

以上平湖張志 別裁集鴻緒字季友康熙癸丑進士官

詩門生門下士時世湖淵源別有酬恩目深蒙知己言

佳城瞻望近畫象典刑存酌酒陳詞意還應徹九原

恩州知府陸世楷墓

在縣東六里五行涇

新纂朱彝尊撰墓銘云

鳴呼古之循吏久於其官政以不煩民以不寬公於黔

於粵除惡必先濟之用寬客至張爐廬旅居船士也討

內閣學士陸棻墓

在南門外聽字圩

平湖高志 陸棻自題坊表予告通

議大夫內閣學士兼禮部侍郎陸雅坪治生曠于湖西

一角林竹之美山川之光心所樂也阡不擇吉葬可隨

時祖隴相依游魂永託康熙戊寅仲冬二十六日時年

毛奇齡撰
神道碑

西平知縣沈棻墓 在楊樹澗 平湖朱志 宋 其子副貢

生季友墓在普濟橋東 新纂

御史謚清獻陸隴其墓 在泖上畫字圩 吳志 案本文 東距

陸燦衣冠墓一十五步乾隆二年

諭祭三年

御製碑文 贈官子謚樹碑神道左四十八年邑人張誠修墓

立石墓前題曰先儒陸清獻公之墓 平湖張志 五十二年知

縣王恒建墓坊竝栽松柏 平湖王志 王恒重修墓記

公嗣堯贈資以葬越六年趙公申喬任浙江布政使購田一十畝有奇供其祀事雍正四年奉旨從祀

嘉興府志 卷十七 墓 至

文廟乾隆二年 諭祭三年 賜謚贈官樹

碑于墓道之東南禮至隆也其墓在泖口祖塋旁歲久

漸蕪子孫貧日甚不克以時修整馬鬣遺封榛莽輻輳

宰木繚垣亦皆闕如夫公為我朝首出醇儒力崇正

學得孔孟之真傳薄海內外莫不欽慕 聖天子

敬禮儒先之意俎豆宮牆而宅兆所安之地願乃聽其

荒蕪若此有守土責者於心安乎余忝宰是邦幸親賢

里既為公新其祠宇丁未夏偶以公事至泖上拜公之

墓盡焉心傷乃倡捐錢二十四緡隨有公族孫錦聯捐

錢三十五緡邑中賢士張誠捐錢二十緡羅金鼎孫辰

各捐錢十五緡鳩工集事董其役者為生員陸子鑑候

選州同馮錫貴周流督率閱數月而工竣又有貢生戈

宏培捐田九畝有奇其田在公墓旁既得助其歲祀又

可固其界址皆徵敬仰先儒之意云 案戈宏培所捐

田知縣王恒詳府立案給匾旌

獎竝令奉祠生陸宗源世守

武義訓導張友直墓 在蒹葭園樓字圩 浙江通志 張

子益號壺山貢生

授武義縣訓導

禮部侍郎謚文恪高士奇墓 在南門外二里康熙四十

三年

賜祭葬

吳志 查慎行詩天上巢痕掃人間鶴夢回新松陰漸合宿草客誰來廢瑟餘三嘆題詩擬七哀自傷遲暮眼轉瞬閱興衰

翰林院檢討陸奎勳墓 在小南門外五里葛家橋 平湖王志

戶部尚書謚文恪沈初墓 在落木園成字圩嘉慶四年

諭祭葬 新纂

石門縣

五代

周妃墓 在錢林涇證聖院北五百步吳越王俶挈家屬

嘉興府志 卷十七 冢墓 三

朝宋妃卒於阜林遂依祖祠葬焉 崇德洪志 後為豪家所踞

裔孫德洪思孝等鳴于官得復 崇德斬志

金吾將軍錢元弼墓 在洲錢市 崇德洪志 文穆王奏陞嘉興

縣為秀州仍命王弟元弼為刺史 吳越備史 洲錢有金吾將

軍錢元弼墓俗呼將軍冢 趙圖記 冢高數丈歲久傾圮下

瞰黝深甃壁廣若堂宇臆臚鐵為之西數十步有侍郎

昱墳紹興初使相錢忱來南訪葺諸塋命族孫鵠專主

祭掃秦魯國大長公主以親屬奏鵠以官鵠卒儒林郎

達道繼掌祀事 崇德陳志

宋

工部侍郎錢昱墓 在洲錢市崇德洪志昱忠獻王佐之子任

秀水刺史宋史吳越世家昱字就之仕宋至工部侍郎柳志

陸氏懷墓 在縣北六里陸墳為弟竣築室墓旁名之曰

懷取孔懷之義崇德洪志陸墳陸竣同葬吳志宋程秘懷

有賢稱于里黨教子以學卒收儒科小陸君英茂早登進士入仕蓬省出分州符有惠政及民今云亡而其兄槍之若是嘻若君之兄弟其不足為薄俗式耶其不助大君扶持世教耶君之若子若孫若雲仍其可不知家法所傳耶推之一國達之天下詔之後世而以陸氏為義門者君家子孫其勉之天下有兄弟者其則倣之觀風四方與夫載筆史宓其將必有以取之

傳貽先生輔廣墓 在西門外一里劉志有遺像陳合允堅

移奉傳貽書院崇德靳志

嘉興府志 卷十七 冢墓 三

迪功郎張汝昌墓 在石門鎮北保寧鄉石門鄭志孫朝議大

夫琥亦葬此崇德靳志

吏部尚書陸德輿墓 在縣西北六里華表石獸尚存柳志

莫氏五桂墓 在莫墓村明浙江通志莫琮子五人元忠若晦

似之若拙若冲俱登科時比燕山五竇柳志

端平殿學士謚清毅陳塏墓 在伍社村明浙江通志十二都

石門鄭志

秘書方誠墓 在南津鄉清化里

元

教授朱鵬飛墓 在十九都瓜宅村以上石門鄭志

學士謚文穆張伯淳墓 在縣北十七里

明一統志案 崇德新志云十

一世孫國翹修整周銓部應秋為記 一派復其侵地而加封焉并為記

蕭王穆墓 在縣西北十八里穆拜尚書後封蕭王

柳志

禹烈婦墓 在石門鎮表曰貞母阡

崇德陳志明 徐一夔有記

明

助教貝瓊墓

在語兒鄉

崇德洪志

御史張緝墓 在石門鎮通市橋西

石門鄉志

大理寺丞朱逢吉墓 在永豐里

崇德洪志

御史金遜墓

在四都

石門鄉志

知縣蔡新墓 在十二都萬魁橋東

崇德新志

嘉興府志

卷十七

冢墓

五

知府姚文墓

在南津鄉官村文祀鄉賢

崇德洪志

刑部尚書潘蕃賜墓

在石門鎮

吳志

有祠有劉修撰龍墓

表

主事張璵墓

在渡舜橋北

給事中周崑墓

崇德鄉上莫村子通判榦亦葬此

典籍蔡天錫墓

在萬魁橋西

通政呂希周墓

在三都

總憲沈宏墓

在陳山

太僕呂煥墓

在南津鄉官村

僉憲趙岩墓

在語兒鄉演教寺東北

知縣呂炯州同呂燧墓 在十六都

知縣李華春墓 在南津鄉百歲橋西北

儀賓呂煥墓 在官村

舉人張國翹墓 在十一都張家匯 以上崇德新志

布政勞永嘉墓 在一都清地庵西

侍郎鍾鼎墓 在黃鶴村

祭酒沈大德墓 在南陽村羽字圩

學副吳尙倫墓 在洲錢陸寶村

巡撫吳之屏墓 在東楊家莊

庶常吳爾壘墓 以上石門廊志 案四明葛編修世振以爾壘入昭忠錄并銘其墓見橋李詩擊廊

嘉興府志

卷十七

冢墓

五

志不載葬處 今未有考

蔡烈婦墓 在石門鎮祠後 崇德新志 案崇德陳志云先是蔡烈婦葬于祠左隆慶

三年朱令過祠謁之議遷葬于祠後啟窆則棺榔開裂窺見殮具皇遽掩土改治一棺以殯發而易之棺合如新無纖隙可指衆咸異之仍以舊棺葬焉說者謂烈婦自縊時周身密縫不欲人見其體故歿後不忍以遺骸暴露也烈婦歿節事詳在貞孝錄彭喬有祭文徐九皋有哀詞見廊志

費烈女墓 在北門外蕪沒道旁靳令一派至為構祠一

楹圍以土牆顏其門為文祭之今祠屋廢 石門廊志

國朝

副都御史勞之辨墓 在縣東 吳志

左都御史吳涵墓 案吳志不載葬處今未有考

內閣中書吳之振墓 在洲泉鎮學字圩

御史蔡履元墓 在陸家橋東田村

同知田尹衡墓 在東二都一圖

朱範貞墓 在甘露庵北

姚烈婦墓 在字字圩清池庵東

蔡貞女墓 在東二都六圖 以上新纂 莊存與 董潮曹培亨撰墓銘

桐鄉縣

宋

永嘉郡主墓 在受山下 吳志 紹興二十四年封碩人進永

嘉郡主三十二年卒詔以醫官李師克等付吏訊治時

嘉興府志

卷十七

冢墓

五

孝宗尙在東宮奏女幼而多病不宜罪醫遂寢乾道二

年贈嘉國公主葬于此 桐鄉徐志 國朝仲宏道詩 深宮常匿影遺冢任芻蕘花月

年年 在芳 魂不可招

少師張掄墓 掄乾道間人世居開封扈蹕南渡以文墨

際高孝二廟賜第於秀之青鎮官至慶遠軍節度使開

府儀同三司太原公贈少師葬崇德縣清風鄉之原 烏青

文 獻

將軍楊昇墓 松園墩保寧鄉上有楊將軍昇墓 趙圖

門下侍郎顏岐墓 在陋巷村 吳志 案志沿浙江通志 誤作禮部尚書顏復今改

刑部尙書莫澤墓 在永新鄉上塔廟北前有莫墳港 劉志

浙東總管張子修墓 在石門鎮北

袁志

知泰州輔遠墓 在永新鄉經堂橋明崇禎間有欲侵奪

者其裔孫訟於官至今得稱古墓 烏青鎮志 案桐鄉徐志烏青文獻皆載

永新鄉有先儒輔慶源墓誤遠為廣矣廣墓詳見石門

吏部侍郎濮斗南墓 在梧桐鄉五都

濮川紀畧

淮東議幕徐綱墓 在今東門外匯龍橋西北岸冢高丈

許周四十餘步

防禦使蔡梅友墓 在來鳳橋

濮奉鎰墓 在濮院石家墳橋村人稱為郡馬墳

以上新纂

張庶墓 在清風鄉子屋耐葬

烏青文獻

嘉興府志

卷十七

冢墓

七

元

侍書學士吳琪墓 在慕化鄉

趙圖記

國子祭酒榮公墓 在千金鄉屠甸村

宣義王壽墓 在梧桐鄉見喜村 以上袁志 案舊志以上二墓誤入宋今據浙

江通志改

淮安路同提舉濮鑑墓 在福壽寺西

濮川紀畧 趙孟頫撰誌銘

廉使石朝用墓 在濮院石家墳橋

桐鄉徐志

禹烈婦墓 亦名貞母阡 在玉溪鎮側

趙圖記 袁志 徐一夔有記

明

徵士鮑恂墓 在千金鄉

趙圖記

雙節冢 在濮院鎮唐夫人橋洪武初籍濮彥仁家官收其產彥仁妾唐氏龐氏俱濮院鎮人義不辱遂自經歿

合葬于此貝瓊有詩紀其事新纂

僉都御史程本立墓 在梧桐鄉張蕩

知府沈榮墓 在千金鄉觀谷村

南寧知府趙讓墓 在永新鄉前朱村以上桐鄉徐志

遼府長史楊述墓 在濮院鎮北楊家橋秀水桐鄉徐志子河南

按察司僉事楊青耐葬濮川紀畧祭文嗚呼爾拜上命來輔我國

殫爾心思展爾才力我言爾聽爾行我悅孰云一旦遽逝如奪訃音爾嗣道里遠長茲爾親屬來迎爾喪妥爾

神靈返爾故鄉屈行伊邇遺奠一觴尚饗

鈞州知州邱罄墓 在保寧鄉北彭村

贈都督同知宗禮墓 在阜林秀溪橋禮死後一月餘始

得其屍葬之面如生嘉禾徵獻錄

裨將霍宗道墓 在阜林秀溪橋東嘉靖中拒倭寇與將

軍宗禮同戰歿葬此劉志

大理錢貢河南巡撫錢夢得賜墓 在永新鄉甌山吳志

江西布政施爾志墓 在濮院鎮西北

操江沈蒸墓 在永新鄉以上桐鄉徐志

武岡州州判于恭墓 在慕化鄉王文成守仁題曰節判

尚寶卿李樂墓 在青鎮北

湖廣左布政使馮孜墓 在千金鄉屠甸市南以上鄉徐志

石埭知縣陸階墓 在楊家橋西范家浜濮院鎮紀聞

廣西宣化知縣錢夢祖墓 在東門外新橋街即字圩

四川布政司理問邱嶽福建福州府通判邱珊福甯州州

判邱思高墓 在保甯鄉白馬里俗名連三墳

贈保甯府推官錢夢傳墓 在永新鄉郡字圩

廣西左江道錢允鯨墓 在上塔廟西北郡字圩

舉人陸蓋誼墓 在王家山南渡橋東吳字圩蓋誼初名

鈺字真如後改蓋誼字忠夫海甯洛塘里人萬曆戊午

舉人乙酉南都亡絕食十二日死同時潘廷章沈亮采

吳太沖皆為文紀之子嘉淑字冰修宏定字綸山詩擅

盛名有冰綸二陸之目先後祔葬昭穆穴以上新纂

靈璧縣丞金夢麒墓 在金家木橋濮川紀畧

國朝

楊園先生張履祥墓 在楊園村吳志西溪橋側乾隆十七

年督學雷鉉題其墓曰理學真儒

贈刑部左侍郎馮一虬馮翊墓 在屠甸鎮南屠家板橋

兵馬司正指揮汪文柏墓 在蔡堡村

編修鈕汝騏墓 在陳莊村

贈字當堂一格

吏科給事中汪繼燦墓 在白馬雙橋

饒州府同知程尚贊墓 在六都沈萬橋

贈中憲大夫屠永貞墓 在千金鄉白兔橋子貴州按察

使嘉正孫 封教諭洪緒祔葬 諸錦撰墓誌

贈編修 贈通政使參議馮錦墓 在千金鄉陸家壩

贈雲南趙州同知施昌墓 在郡字圩

吏部主事贈山東督糧道汪孟鎬墓 在永新鄉紙字圩

同知汪大鏞墓 在城東潘家兜 侍郎錢載撰誌 以上新纂

嘉興府志卷十七

嘉興府志

卷十七

冢墓

六

